

3 negara lagi mungkin sertai badan silat

26

10

THAILAND, Brunei dan Filipina mungkin turut serta menjadi anggota Persekutuan Silat Antarabangsa yang dianggotai oleh kumpulan-kumpulan pencak silat dari tiga buah negara Asean — Malaysia, Indonesia dan Singapura.

Demikian dinyatakan oleh Encik Johari Uriff, Setiausaha Agung Persekutuan Seni Silat Singapura (Persisi).

Berucap merasmikan 'Pesta Silat Persisi' yang keempat di Panggung Negara, Ahad malam, dia menambah bahawa penubuhan persekutuan tersebut telah dapat dilaksanakan dengan kerjasama dari Ikatan Pencak Silat Indonesia (Ipsi) dan Kumpulan silat dari Kementerian Kebudayaan Belia dan Sukan Malaysia.

Berhubung dengan pesta tersebut, dia memberitahu bahawa semua kegiatan dan jenis silat yang dipertandingkan bertujuan untuk meningkatkan mutu seni silat ke satu tahap yang tinggi.

Bertanding

Sebanyak 10 jenis silat dipertandingkan untuk merebut Piala Haji Ya'akub Mohammed dalam pesta yang berlangsung selama dua malam berturut-turut.

"Tiap-tiap jenis silat yang dipertandingkan melibatkan 15 orang pesilat. Kesemuanya adalah dari badan-badan kerabat Persisi," jelas Encik Johari.

Lima kumpulan silat yang telah bertanding pada Ahad malam, terdiri dari kumpulan-kumpulan silat Kuningan, Gayung Pasak, Seligi Tunggal, Jawa Bawangi dan Kuna-tau Melaka.

Sementara pada malam tadi, adalah dari kumpulan-kumpulan silat Gabungan Seni Tari dan Pencak Sunda, Sipitung, Cekak, Hari-mau dan Seri Gayung.

Untuk menyerikan malam pesta itu, satu demonstrasi silat dari Persatuan Olahraga National Indonesia (Pon) yang diketuai oleh Bapak TM Sofyan telah dipersembahkan.



ENCIK JOHARI

Silat Cekak rebut hadiah

terbanyak
dlm pesta

SENILAT Cekak keluar sebagai pasukan yang berjaya menggon-dol paling banyak hadiah dalam Pesta Silat Kebangsaan 1979 hingga menggunakan Panggung Negara pada Isnin lepas.

Sejumlah tujuh plata dipertandingkan untuk direbut oleh 10 pasukan persilatan di Singapura, dan Silat Cekak berjaya menggon-dol lima darinya sebagai johan bahagian dan satu lagi hadiah di tempat ketiga.

Kelima-lima hadiah pertama yang diperolehi-nya ialah Tunas Pendekar, Pendekar Muda, Pendekar, Regu Terbaik dan Persembahan Keseluruhan Terbaik, sementara satu hadiah tempat ketiga yang dimenangkannya ialah dalam bahagian Srikandi.

Tak jauh

Pasukan Senigayang Pasak merupakan yang kedua paling banyak merebut hadiah-hadiah yang disediakan. Lima hadiah yang berjaya direbutnya ialah satu johan (Srikandi), satu naib-johan (Pendekar) dan tiga hadiah di tempat ketiga.

Empat buah pasukan silat tidak memenangi apa-apa hadiah biarpun persembahan mereka dirasakan tidaklah jauh sangat tarafnya dari sebahagian para pemenang.

Berikut ialah keputusan penuh Pesta Silat Kebangsaan 1979:

Bahagian Tunas Pendekar — Silat Cekak (johan), Kuningan (naib) dan Senigayang Pasak (ketiga).

Srikandi Muda — Kuningan (johan), Sipitung (naib) dan Senigayang Pasak (ketiga).

Pendekar Muda — Silat Cekak (johan), Seligi Tunggal (naib) dan Senigayang Pasak (ketiga).

Srikandi — Senigayang Pasak (johan), Sipitung (naib) dan Silat Cekak (ketiga).

Pendekar — Silat Cekak (johan), Senigayang Pasak (naib) dan Sipitung (ketiga).

Regu Terbaik bahagian Pendekar ialah Silat Cekak.

Persembahan Keseluruhan Terbaik dimenangi oleh Silat Cekak.